



STATEN VAN ARUBA

Ingek: 22 JUN 2022

Volgnr: IS/1090/21-22

Aan de Voorzitter van de Staten van Aruba  
Dhr. Mr. E.G.A. Vrolijk  
L.G. Smith Boulevard # 72  
Oranjestad  
Aruba

Aruba 22 juni 2022

Onderwerp: Ernstige armoede en sociale verpaupering op Aruba

Geachte voorzitter,

Ondergetekende lid van de Staten, mr. M.G. (Mike) Eman, doet u hierbij ingevolge artikel III.17 van de Staatsregeling en artikel 59 van het Reglement van Orde van de Staten van Aruba een aantal vragen toekomen voor de Minister van Algemene Zaken, Innovatie, Overheidsorgaan, Infrastructuur en Ruimtelijke Ordening, mw. Mr. Evelyn Wever-Croes.

Gaarne verzoekt ondergetekende u om deze door te geleiden aan de bovengenoemde Minister met het verzoek deze zo spoedig mogelijk schriftelijk te beantwoorden.

Hoogachtend,

Mr. M.G. (Mike) Eman  
Statenlid  
Fractieleider AVP

**VRAGEN** van de statenlid mr. M.G. (Mike) Eman aan de Minister van Algemene Zaken, Innovatie, Overheidsorgaan, Infrastructuur en Ruimtelijke Ordening, mw. Mr. Evelyn Wever-Croes, ingevolge artikel III.17 van de Staatsregeling en artikel 59 van het Reglement van Orde van de Staten van Aruba.

Costo di bida ta subiendo den un forma alarmante. Ta obvio cu e medidanan cu Gabinete Wever Croes a implementa durante e ultimo anjanan a impacta e cifra di inflacion severamente. Na 2017 ainda inflacion tabata menos cu 0%, esta - 0.6%. Na 2018 y 2019 esaki a subi drasticamente cu medidadanan di Gabinete Wever Croes. Redoblacion di BBO y e hecho cu e BBO a worde poni tambe riba diferente otro cosnan cu tabata exonera, manera transaccionnan bancario y seguro a crea un efecto inflatorio adicional. Riba gasolin y diesel e impacto tabata dobel, 12%. Tambe e eliminacion di e descuento di 10 cent pa liter di gasolin y diesel tabata tin un efecto negativo grandi.

Den 2022 inflacion ta sigui e rumbo preocupante. Inflacion acumula dor di medidanan di Gabinete Wever Croes tin un impacto dramatico riba costo di bida. Cifranan di CBS ta confirma e aumento drastico aki. Segun cifranan di CBS e bestaansminimum pa un persona pa luna na Dember 2017 tabata 2.066 florin y na April 2022 esaki a bira 2.382 florin, casi 400 florin mas pa luna pa bo por sobrebibi. E bestaansminimum na 2017 pa 4 persona, 2 adulto y 2 mucha tabata 4.338 florin y awor e ta 5.003 florin casi 700 mil florin pa luna mas pa bo por sobrebibi. E panorama socio-economico hustamente ta muestra un deteoro ultimo anjanan, es decir cu e 700 florin aki mas di gasto mensual ta pone cu nos pueblo ta empobreciendo na un forma alarmante.

Den periodo di gobernacion 2009-2017 e gobierno di e tempo ey no unicamente a tene inflacion abao, pero tambe a sostene e poder di compra di comunidad cu un maneho conciente di mantene e forza di compra di comunidad. Asina a aumenta bijstand, salario minimo, pensioen di vehez, a introduci reparatie toeslag pa empleadonan den sector priva, a introduci schoolkinderentoeslag pa famianan di menos recurso. Consistentemente a percura pa salario di empleadonan publico mantene nan forza di compra cu indexering, voorjaarspremie y najaarspremie. Desde 2017 pa 2022 no tabata tin ningun ahuste structural di apoyo pa e poder di compra di comunidad. Alcontrario cu e medidanan y ausencia di correccion ta atras e poder di compra a keda bai di 2018 pa 2022. Cifranan di Banco Central y CBS ta confirma esaki. Aruba ta empobreciendo den un forma penoso y alarmante.

Relaciona cu empobrecimento alaramante aki suscrito miembro di Parlamento mr. M.G. (Mike) Eman tin e siguiente preguntanan pa Minister di Husticia y Asuntonan Social.

1. Minister ta conciente di aumento dramatico di costo di bida y gastonan pa subsistencia di un famia na Aruba desde 2018 pa 2022 ?
2. Minister ta conciente cu e aumento dramatico aki ta conduciendo na un empobrecimento preocupante na Aruba ?



3. Minister ta conciente cu e empobrecimento aki ta fracturando famianan na Aruba, creando hopi depresion y malestar. Un cu e otro tambe cu efecto riba saludo di nos hendenan y riba seguridad den barionan ?
4. Minister ta conciente cu no unicamente e maneho di 2009 pa 2017 di sosten di poder di compra a worde para, pero tambe tur iniciativanan cu tabata worde tuma pa sostene calidad di bida den barionan y fortifica e cohesion social a worde para ?
5. Minister ta conciente cu na e momentonan aki hustamente mester sostene esnan di menos recurso ?
6. Minister ta conciente cu entre otro na FCCA ta aplicando aumento di huur na momento cu un persona haya schoolkinderenentslag pa e jiu cu ta bai school ? Minister no ta kere cu bao di e condicionan actual di aumento dramatico di costo bida cu un compensacion cu a worde introduci pa cubri gastonan di school no mester worde incacula den e draagkracht di e famia pa cu calculacion di prijs di huur di un cas social ?
7. Minister por informa con tin pensa pa sostene e miles di famianan cu ta caiendo pobresa y miseria na Aruba ?
8. Minister por informa con ta pensa di atende cu e negligencia di barionan desde 2018 cu a para tur programa di bario y cohesion social ?
9. Minister por informa pakico a para tambe tur e projectonan di renobacion di bario ?
10. Minister por informa pakico ta negligia e mantencion di e barionan y tur e embeyecimento y facilidadnan deportivo y recreacion cu a worde realisa entre 2009 – 2017 hustamente pa crea un ambiente positivo den e barionan ?

Aruba, 22 Juni 2022

Mr. M.G. (Mike) Eman

